

MENOLOGIUM BENEDICTI
nam Sanctorum, Beatorum, atq;
Illustrum Eiusdem Ordinis
Virorū Elegans Illustratum.
Cum
Sacrariorum sive Religiariorum Benedic-
tino.

Opera et studio
R. P. F.
GREGORII BUCERII
Monachi Theologi Imperialis
Monasterij Weingartensis, Prioris &
Joan. Baptistae in oppido Veldtsfir-
chy R. S. A. Superioris
Cum Privilegio Sacrae Caesareae Majestatis

Augusta Vindelicorum
Typis Joannis Pratorij. 1686

Gulius Penso Invenit

Caspar Merian fecit

MENOLOGIUM
BENEDICTINUM
SANCTORVM, BEATORVM

Atque Illustrium Ejusdem Ordinis Virorum

Elogiis Illustratum,

*QVO BREVI ATQVE UTILI COMPENDIO, IN DIES SINGVLOS,
celebriorum aliquot Virorum res gesta, accendendis per domestica exempla animis
celebrantur & seruantorum Majorum posteritas feliciter ut salubriter
excitatur.*

Accessit huic Operi

SACRARIUM SIVE RELIQVIARIUM
BENEDICTINVM,

In quo magnus SS. Reliquiarum thesaurus describitur, eorum
scilicet Sanctorum,

QVI CVM ORDINIS EJUSDEM NON FVERINT,

Corpore tamen sive integro, sive magna ex parte

In diversis toto terrarum orbe

DIVI PATRIS ET PATRIARCHÆ BENEDICTI
MONASTERIIS

Religiosè coluntur atque asservantur.

Opera & studio,


R.P.F. GABRIELIS BUCELINI, MONACHI

THEOLOGI IMPERIALIS MONASTERII WEIN-

GARTTENSIS, PRIORIS S. JOAN. BAPTISTÆ

IN OPPIDO VELDKIRCHII RHÆTIÆ
SUPERIORIS.

Cum facultate superiorum.



Cum Privilegio Sacre Cesarea Majestatis

VELDKIRCHII,

Apud HENRICVM BILIVM, Bibliopolum.

M. DC. LV.

Contra locustas certum praesidium.

in primis memorabile illud; quod, cum locustarum ingenti vi, & voracissima peste regio illa infestatur, cunctis ad Patronum suum Robertum confugientibus, circumlatis solemni in Processione, ut vocant, lacris ejus corporis exuviis, in oculis & conspectu omnium catervatim fugientes locustae, non tamen effugiunt; verum illico, stupentibus ad insolentiam prodigii exteris, mire interempti, extinguuntur. Asservantur perhonorifice sacrae ejus Reliquiae, quibus ejusdem Monasterii summum altare (indubiae sanctitatis testatissimo monumento) solemniter est consecratum. *Barnab. de Montalbo, Angelus Manrique, Chrysof. Henric. tom. 2. SS. Ord. &c.*

Summo in altari conditur.

B. Anselmus.

In Germania Beati Anselmi Monachi eximia vitae sanctitate conspicui. Hic de te humillimè semper sentiens, virtute eminentissimus evasit, cujus sanctitas plurimis à Numine prodigiis mirè prodita est & celebrata. Cum enim Diaconus etiamnum in Ecclesia Evangelium caneret, candidissima super eum è caelo descendere columba visa est, & ad finem usque Evangelii taliter conspicuam, & praesentem eidem se exhibere. Presbyteratus honore insignitus, columbam illam dum sacris operaretur praesentem similiter habuit, quam quoties ad aram accederet, è caelo occurrentem presbyter quidam Religiosus intueri meruit. Fuit Deiparentis Virginis obsequio addictissimus, apud quam, utpote suis meritis diffidens, cum Beatum Henricum Hemmendorffensis Cænobij Conversum, miraculorum gloria & Prophetiae dono illustrissimum, deprecatores exoraret, & hic ut exoratus erat, exequi non negligeret, Augustissima caeli Regina Henrico, inter Sanctas Mariam-Magdalenam & Elizabeth media, miro splendore apparuit, cui stupenti, & quænam tantæ pulchritudinis matronæ essent miranti, Magdalena respondit, & cogitationibus quas promerere non audebat satisfacit: *Ego sum Maria*

Deipara ad dictus.

Magdalena, inquit, haec est universalis Domina, Dei Genitrix Virgo Maria, digito eam demonstrans, tertia vero est Elizabeth. Et adjunxit: Tu oras pro Anselmo, magis autem indiges, ut ipse pro te oret, sicque disparuerunt, ut facile ex magni illius Henrici perfectione de Anselmi eminentia sit ominari, qui peccatorum maximum se nihilominus reputabat, & quorumvis Fratrum suffragia, ut sibi nimis quam necessaria humillimè implorabat. Cujus viri merita multa alia signa ostenderunt. Philippus Sequin. Casarius Heisterbac. Menolog. Cist. Chrysof. Henric. &c.

Visio illustra

Elogium per-insigne.

Humilitas viri sancti.

In Italia Beatæ Methildis Virginis, quæ sub sanctissimo Cisterciensium nostrorum Instituto, Sponso Virginum Christo consecrata, crucis mortificationem jugiter in corpore suo portans, flagellis, jejunis, aliisque ejusmodi voluntariis suppliciis corpusculum suum excrucians, & carnem Spiritui servire cogens, multis revelationibus & signis illustris, gaudia meruit beatorum. Vixit tempore, magni illius Theologorum Principis, Sancti Thomæ Aquinatis, sub cujus transitum, sanctum illius animum carne solutum, comitantibus Angelis & Beato ejusdem Magistro Alberto, ante thronum Divinæ majestatis comparere conspexit. *Chronicon Cisterciense, Barn. de Montalbo, Catalog. SS. Cistere. & Menolog. Chrysof. Henriquez. &c.*

B. Methildis Virgo.

Visio ejus.

In Monasterio Casinensi solemnis translatio Sancti Bercharij ejusdem loci Abbatis & Martyris. Celebratur hæc sub Festo, ut vocant Duplici minori, in eodem Sacratissimo Cænobio, fuitque insignibus à Deo miraculis honorata. *Ex Monumentis Cænobii Casinatis, Arnoldo Duacen. t. 2. SS. Ord. &c.*

S. Bercharii translatio.

Nivellæ consecratio Sanctæ Gertrudis Ducissæ Brabantiae, Virginis & Abbatissæ. *Joan. Molan. Hugo Menard. Arnoldus Duacen. &c.*

S. Gertrudis Abb.

Eodem die, Sanctorum Benedicti & Ioannis Monachorum & Martyrum, Sclavoniae Apostolorum.

SS. Benedictus & Ioannes, Mart.

TERTIO NONAS DECEMB.

III. Decembr.

A.

S. Birinus Episc.

IN Anglia, Sancti Birini primi Episcopi Dorcestriensis. Birinus Monasticis disciplinis, cellulae quiete, & contemplationis fervore excoctissimus, compertis confratrum in Anglia, in conversione Gentium successibus, & Doctorum, in tan-

ta populorum multitudine infrequentia, miro propagandæ fidei zelo inflammatus, sponte sua Honorium Pontificem adiit, operam suam obtulit, & in se recepit, se in intimas Angliæ partes, quo nemo ad eam usque diem Doctorum pervasisset,

Zelus propagandæ fidei

penetraturum, & impio ac stulto Deorum iranium extirpato cultu, sacræ illic fidei semina, contempto etiam mortis periculo, libentissimè sparsurum. Approbavit ferventissimum viri Sancti zelum laudatissimus Pontifex, & quo facilius feliciusque rem tantam conficeret, Asterio Genuensium Antistiti ut ipsum Episcopum ordinaret demandavit. Profectio- nis initia Birinus, stupendo prorsus, & ad eam usque diem inaudito prodigio consecravit: quippe occasionem navigandi commodam nactus, soluta ac jam provecta in altum nave, cum velocissimo hæc cursu, ventis secundioribus raperetur, recordatus pallæ sacræ, quam Honorius Pontifex præter alia dono dederat, in hospitio relicta, cum flectere cursum navæ non possent seu nollent, ipse fluctibus Apostolico se credens exemplo, siccis vestibus per mare ad littus evadens, inde repetito prodigio, in oculis omnium, ad navem remeavit. In Angliam delatus, indefesso quamprimum studio, maximos labores aggressus, felicissimis demum successibus, Occidentales Saxones, Gervissos appellant, Christo lucratus, cum Rege eorumdem Cynigildo universos convertit, ipso Sancto Oswaldo Rege de sacro fonte illum suscipiente, eique filiam in matrimonium collocante. Donatus à Rege utroque Birinus Dorcinensi urbe sive Dorcestria, fundato ibidem Dorcestrensi Episcopatu, de Regno universo æternum meruit, primusque ejus loci effectus Episcopus, & à morte Patronus, æternum sedi illi honorem conciliavit, quæ exinde Lincolniam translata, originem nihilominus suam Birino debuit, & merito transcripsit. Nec minore felicitate in West-Saxoniâ progressus, eam quoque provinciam Ecclesiæ Christi adjunxit: cui, inquit Harpsfeldius, (ob meritum nimirum magnitudinem,) quiddam immensum debemus. Denique vita sanctissimè exacta, miraculorum gratia celeberrimus in Domino obdormiit, prodigiorum crescente multitudine, jussu Honorii Papæ solemniter paulo post elevatus. Claruit An. C. 635. *Anton. de Topes, Baron. Harpsfeld. Edoard. Mayheuvv, & reliqui rer. Angl. script. Annales nost. & tom. 2. ss. &c.*

Stupendum prodigium.

Siccis pedibus ex navi egreditur & regreditur.

Occidentales Saxones, convertit.

Regem baptizat.

Episcopatum fundat.

Westaxon. similiter convertit.

Obiit 635.

S. Galganus Mon.

dino natus est. Voluptatibus primum deditus, totum deliciis mundi hujus se proluit, donec defuncto Patre, à Michaële Archangelo in somnis bis apparente, bis monitus, ut Christi militiæ nomen daret, in montem Sepium secessit, ubi tertium ab eodem Angelo interpellatus, ut mundum desereret, & Deo soli vacaret, haud leviter impelli se, sensit. Verum eò à consilio, cum mater & propinqui abhorrent, elegantemque atque opulentam uxorem proponerent, blandimentis ac precibus charorum averti se passus, ut ad contuendam paratam sibi sponsam equum conscenderet, persuasus tandem est. Stupendares! conscenso equo, adhibitis magnâ vi calcaribus obnixus constanter est equus, & præfractè obstitit, repetitoque asini Balaam rarissimo prodigio, diserta voce ab Angelo se prohiberi & teneri, pronuntiavit, cujus etiam vestigia saxo prodigiote ibidem impressa in hodiernam usque diem demonstrantur. Obstupuit miraculo Galganus, & jam verè mutatus, datis Deo manibus, cruce ensis ibidem defixa, extractaque mox illic cellula, solitariam primo vitam sine certis legibus egit, donec sanctissimo sese Cisterciensium nostrorum instituto addiceret. Fuit magna contentione ab Infero impugnatus, de quo tamen, in preces effusus, illustres, dante Numine, triumphos reportavit. Jeuniis assiduis corpus extenuavit, lectuli vice humum habuit, baccis silvestribus, & herbarum radicibus, adhibito aque potu deinceps contentus, qui Tummis antea deliciis affueverat. Vehementer tentatus, Clusdinum rediret, voce de cælo lapsa roboratus, tentationem superavit. Venatori cum vestes & equum donasset, ut pellibus primum ejus indueretur, proditus matri ab illo est, quæ, sponsa & propinquis adductis eo convolans, ut ipsum abduceret, filii exhortatione adeo permota est, ut lubens annueret, & hilaris reverteretur, sponsa insuper persuasa, ut Virginitatem illibatam Deo servare constitueret servaretque. Sanctitatis fama cum celeberrime evaderet, & molesto multorum occursum vexaretur, Romam profectus est, ut sancta ibidem loca visiteret. Quo tempore, cum pessimi genii instinctu nonnulli cellam ejus cum cruce exussissent, ulciscente mox Numine omnes malè perierunt; quod ipse agnoscens in Spiritu summo Pontifici nunciavit, ejusque munitus benedictione, reversus

S. Michaël eidem apparet.

Decipitur blandimentis

Equus ejus loquitur.

Convertitur

Ab Infero impugnatur.

Vex cælo delabitur.

A matre vivificatur.

Vlscitur injuriam Dei

versus alia ibidem exstructa cellula, ensis partes signo crucis denuo copulavit.

Miraculorū gloria.

Eum miraculorum gloria Numen mirè extulit. Absentia ut præsentia vidit: prævidit futura: dæmones ab obsessis fugavit, ægrotis sanitatem restituit. Panis venenatus, à quodam porrecto comestusque haud ei nocuit. Fuit DEI paræ additissimus, ipsique vicissim dilectus, quæ ipsi aliquando in medio Apostolorum apparens, librum quendam porrexit. Denique ad æternam requiem iis verbis vocatus: *Satis est, quod laborasti, metes nunc quod seminasti*, obdormivit in Domino, Ann. Christi 1181. ibidem ab Episcopo Volaterrano, (in cujus Diocesi situs est locus) & Massano, ac aliquot Abbatibus sepultus, & ob vitæ sanctitatem & crebra etiam à morte miracula Sanctorum numero solemniter adscriptus; cujus, eodem loco, nomini & honori insignis est erecta Ecclesia, & fundata Abbatia. *Greg. Lombard. Aubertus Miræus, Philipp. Serrarius, Ang. Manrique, Rob. Rufca, Chrysof. Henric. t. 2. SS. Ord. &c.*

Obiit 1181.

Canonizatur.

S. Sola Abb.

In Germania Sancti Solæ Abbatis, discipuli Sancti Bonifacii primi Archiepiscopi Moguntini, Germanorum Apostoli. Ita hac die nonnulli, nos, ex aliorum opinione die decima hujus mensis.

S. Eloquius Abb.

Walciodori ex Latiniaco, depositio & translatio Sancti Eloquii Abbatis & Confessoris. Eloquius, Furseo, Vltano, Foilano, Boëtio, Ertone, aliisque comitibus ex Hibernia adventans, Christianæ fidei, & Monasticæ disciplinæ radiis, orbem nostrum latè perstrinxit, & diversarum provinciarum populos æterno sibi debito obligavit. Construxere Apostolici hi viti, plura primum per maris intulas atque littora Cænobia, perque Britanniam & Saxoniam transvecti, plurimum ibi populum Christo adjunxerunt. Eloquius demum Latiniacensi Cænobio præfectus, Grimacensi postea egregio vitæ exemplo sanctissimè præfuit. Miraculorum gratia cum maximè celebraretur, concurrentes undique accolæ, cœpe-

Apostolus Germania.

Socii ejus.

Fit Abbas.

Miracula.

runt in lectulis ægros adducere, quos benedicto inunctos oleo, & prodigiōse curatos, incolumes remisit. Pro mortuo puero, dum preces cum parentibus in Cænobio funderet, inter orandum, qui mortuus fuerat, redivivus ipse occurrit, & parentibus coram Sancto incolumem se stitit. Mortuus æquè ac vivus miraculis effulsit. Cujus, cum Cænobium successu temporum per Danos vastaretur, cælesti Musica, & admirando cælestium luminarium fulgore, sacer thesaurus proditus, elevatus, atque inde postea ad Walciodorensē Cænobium translatus est, insigni miraculorum gloria ea ipsa translationis die, in oculis omnium à Deo illustratus. Claruit Eloquius An. Christi 670. & ob ingentia merita, magna fidelium devotione celebratur. *Mofander, Molanus, Monim. VValciod. Menard. Aquila nost. Bened. Annal. Bened. Annal. German. t. 2. SS. &c.*

Mortuum suscitatur.

Prodigiōsa inventio & translatio.

Clar. 670.

Villarii in Brabantia obitus Beati Alberti Abbatis Beatæ MARIÆ de Cliva sacre Congregationis nostræ Cisterciensis olivæ fructiferæ, qui Prussiam egregio perfectioris vitæ exemplo insigniter illustravit, & gregi Dominico plurimis sanctitatis exemplis utilissimè præsidens, in Monasterio demum Villariensi, sicut diu ante, audita loci sanctitate, exoptaverat, cum ex occasione Capituli Generalis eo diverteret, morbo graviore prostratus, piissimè in Domino requievit, sub Ann. Christi 1272. *Ex monim. Eccl. Villar. Menologio Cist. Chrysof. Henric. Annal. nost. &c. t. 2. SS. &c.*

B. Albertus Abb.

Obiit 1272.

In Monasterio Blandiniensi, celeberrima translatio corporum Sanctorum Gudwali & Bertulphi, tempore Arnulphi Flandriæ Marchionis. De quibus nos, die cujusque Natali, prolixius. *Ivan. Molan. Arn. Duac. &c.*

Translatio.

In Monasterio Beat. Mar. Virg. Iuffanensi, Beatæ Sitrudis, ejusdem loci Abbatissæ, sororis Sancti Donati Archiepiscopi Viennensis.

S. Sitrudis Abb.

PRIDIE NONAS DECEMB.

IV. Decemb.

B.

Relatio S. P. N.

IN monte Casino, Relatio Sanctissimi Patris & Patriarchæ nostri BENEDICTI, & Beatissimæ Sororis ejus, Scholasticæ Virginis & Abbatissæ, ex Cænobio Flo-

riacensi ad suum Monasterium, facta per Sanctum Carolomanum Regem & Monachum, jussu Sanctissimi ejusdem Patriarchæ & Sororis ejus, ipsi apparentium,

Zzz 3

& trans-